

Bosna i Hercegovina
Federacija Bosne i Hercegovine
Tuzlanski kanton
Općina Teočak
Općinski načelnik
Broj: 02-11-954-7/20
Teočak, 04.11.2020. godine

Na osnovu člana 64. stav (1) tačka b), člana 70. i člana 87. Zakona o javnim nabavkama („Službeni glasnik BiH“ broj: 39/14), te člana 43. Statuta općine Teočak („Službeni bilten općine Teočak broj: 5/08 i 2/12), a na preporuku Komisije za javne nabavke Općinski načelnik d o n o s i:

ODLUKU

o rezultatima okončanog postupka javne nabavke i izboru najpovoljnijeg ponuđača

Član 1.

Prihvata se preporuka Komisije za javne nabavke broj: 02-11-954-6/20 od 04.11.2020. godine, te ugovor za rekonstrukciju mokrog čvora u zgradi općine Teočak se dodjeljuje ponuđaču: „Tom-Cat“ doo Tuzla, ponuda broj: 541/20 od 30.10.2020. godine, za ponudenu cijenu od 11.993,20 KM bez PDV-a kao najbolje ocijenjenom ponudom nakon održane e-aukcije.

Član 2.

Prijedlog Ugovora dostavit će se na potpis izabranom ponuđaču: „Tom-Cat“ doo Tuzla, sa sjedištem u ulici Izeta Sarajlića 44- Slavinovići, 75000 Tuzla.

Član 3.

Izabrani ponuđač je obavezan u roku od 5 dana dostaviti dokaze o činjenicama navedenih u izvaji iz člana 45. Zakona o javnim nabavkama BiH.

Član 4.

Za izvršenje ove odluke zadužuje se Služba za privredu, finansije, prostorno uređenje i civilnu zaštitu općine Teočak.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-11-954-1/20 dana 23.07.2020. godine. Javna nabavka je provedena putem konkurentskog zahtjeva za dostavu ponuda, broj obavještenja sa portala javnih nabavki: 98-7-3-42-3-18/20. Procjenjena vrijednost javne nabavke bez PDV-a je 11.400,00 KM.

Komisija za javnu nabavku dostavila je Ugovornom organu kopiju Zapisnika o otvaranju ponuda broj: 02-11-954-4/20 dana 02.11.2020. godine, Zapisnik o pregledu i ocjeni ponuda broj: 02-11-954-5/20 od 02.11.2020. godine i Preporuku za izbor najpovoljnijeg ponuđača broj: 02-11-954-6/20 u postupku javne nabavke za rekonstrukciju mokrog čvora u zgradi općine Teočak.

U postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- ukupan broj pristiglih ponuda je 2 (dvije) i to ponude od: „Dinamico“ doo Kalesija i „Tom-Cat“ doo Tuzla
- ukupan broj blagovremeno zaprimljenih ponuda je 2 (dvije) i to ponude od: „Dinamico“ doo Kalesija i „Tom-Cat“ doo Tuzla

Kriterij za ocjenu ponuda je najniža cijena.

Tehnički, pravno i ekonomski gledano, ponude od oba ponuđača su bile prihvatljive. Ukupne cijene po ponuđačima su bile sledeće: „Dinamico“ doo Kalesija sa ukupnom cijenom od 13.364,20 KM i „Tom-Cat“ doo Tuzla sa ponuđenom cijenom od 11.993,20 KM. Navedene cijene su bez obračunatog PDV-a. Na e-aukciji održanoj dana 04.11.2020. godine nije došlo do izmjena cijena.

Komisija je dala preporuku Općinskom načelniku da prihvati ponudu od ponuđača „Tom-Cat“ doo Tuzla jer je njome bila ponuđena najniža cijena, neznatno viša od procijenjene, koja je ujedno proglašena i najpovoljnijom za Ugovorni organ.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz tenderske dokumentacije.

U postupku ocjene provedenog postupka, ugovorni organ općina Teočak – Općinski načelnik nije našao razloge nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Pouka o pravnom lijeku

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Dostavljeno:

- ponuđačima
- a/a



Općinski načelnik

Eljib Muminović